

卷二十一

書名 群書考索後集六十五卷
正德十三年建陽劉氏慎獨書齋刊本

撰者 宋 章如愚 撰
卷 二十一

內容分類 子-類書-彙考-宋
子部-類書-17
索書號 C5930500
編號

彩色首頁

[東洋文化研究所漢籍目錄](#) 編號: C5930500

[東洋文化研究所漢籍目錄所藏漢籍善本文影像資料庫](#) 索書號: 子部-類書-17

[漢籍善本文影像資料庫文本](#) 群書考索後集六十五卷 正德十三年建陽劉氏慎獨書齋刊本

版權所有: 東京大學 東洋文化研究所

[使用上的注意事項](#)

群書考索卷之一

官制門

官數

唐官六十
官未聞堯舜同道或皆六十并屬官而言則皆有百

虞官六十
堂位曰有虞氏

夏官一百
明堂位曰夏官尚書云夏商官
倍則當二百矣而鄭云百二十

商官二百
明堂位曰商官二百而鄭
云二百四十合依鄭說

周官二千六百七十五人
內二千六百四十三人外諸侯
國官六萬一千。三十二人

秦制爵
賞功勞

漢官七千五百六十七人
內一千。五十五人外
諸侯州郡胥吏

後漢內外文武官
丞相凡十三萬二百八十五人
哀帝時官數兼

山堂先生章俊卿編輯
建陽知縣區玉刊行

後集

群書考索卷二十一

後集

山堂先生章俊卿編輯

建陽知縣區玉刊行

官門

唐官制

唐之官制名號祿秩雖因時增損而大抵皆沿隋故其官司之別曰首
 曰臺曰寺曰監曰衛曰府各統其屬以分職定位其辨貴賤叙勞該則
 有品有爵有勳有階曰尚書曰門下曰中書曰祕書曰殿中曰內省此
 六省也曰太常曰光祿曰衛尉曰宗正曰太僕曰大理曰鴻臚曰司農
 曰太府此九寺也臺有御史而其屬則有三院監有五監而其名則自
 國子而至於都水左右衛而下有曰驍衛曰武衛曰威衛而至於金吾
 衛千牛衛者凡十六衛焉左右率府而下有曰親府曰勳府曰翊府而
 至於司禦率府內率府者凡十率府焉然其中別位叙之崇卑則有品

自一品而至于九品有正有從而正四品而下又有上下之別凡三十等焉定食邑之多寡則有爵自子男而上以至于王而各定其品之數者凡有九等焉自武騎而上至于護軍自護軍而上極于上柱國凡十有二等者所以為勞能之別也自開府而下至于將任二十九階自驍騎而下至于陪戎四十五階所以為文武之別也方唐之盛時其制如此蓋其始未嘗不設立制度明紀綱為萬世法而常至於交侵紛亂者由其時君不能謹守而循一切之苟且故其事愈繁而官愈冗至天其職業而卒不能復初太宗省內外官定制為七百三十員曰吾以此待天下足矣然是時已有員外之置其後又有特置同正員至於檢校兼守判知之類皆非本制又有置使之名或因事而置事已則罷或遂置而不廢其名類繁多莫能備舉且宰相之職佐天子總百官治萬事其任重矣然自漢以來位號不同而唐世宰相名尤不正唐初因隋制以三省之長共議國政其後太宗為尚書令由是僕射為尚書省長官與侍中中書令號為宰相其品位既崇不欲輕以授人故常以他官居宰相職而假以他名太宗時杜淹以吏部尚書參議特政魏謩以祕書監參議朝政其後或曰參議得失參知政事之類其名非一皆宰相職也正觀八年李靖以疾而平章事而平章事之名起於此李勣以詹事同三品而同三品之名起於此自開元以後常以領他職實重其事而反輕宰相之體故時方用兵則為節度使時崇儒學則為太學士時急財用則為鹽鐵使又其甚則為延資軍使至於國中太清宮之類其名頗多皆不足取然其夫非特宰相也自開元以來諸使紛出李傑則為水陸運使宇文融則為租庸使裴耀卿則為江淮轉運使論度支則以李元佐為之使論鑄錢則以羅文信為之使以至木炭則有使青苗則有使脩書則有使群牧置使而太僕不得盡其職戶口置使而戶部不得專其任無非奪百司之職者故百司之任最為侵紊御史彈擊之司也知太府之出納者有之揚禮部掌禮樂之司也而掌吏部之十銓者有之蘇頲陵夷至于後世遂至於無復職掌劉蕡對策以為夏官不知任籍止於奉朝請六軍不王兵事上於養勳階而陸長源一宰相書

相職而假以他名太宗時杜淹以吏部尚書參議特政魏謩以祕書監參議朝政其後或曰參議得失參知政事之類其名非一皆宰相職也正觀八年李靖以疾而平章事而平章事之名起於此李勣以詹事同三品而同三品之名起於此自開元以後常以領他職實重其事而反輕宰相之體故時方用兵則為節度使時崇儒學則為太學士時急財用則為鹽鐵使又其甚則為延資軍使至於國中太清宮之類其名頗多皆不足取然其夫非特宰相也自開元以來諸使紛出李傑則為水陸運使宇文融則為租庸使裴耀卿則為江淮轉運使論度支則以李元佐為之使論鑄錢則以羅文信為之使以至木炭則有使青苗則有使脩書則有使群牧置使而太僕不得盡其職戶口置使而戶部不得專其任無非奪百司之職者故百司之任最為侵紊御史彈擊之司也知太府之出納者有之揚禮部掌禮樂之司也而掌吏部之十銓者有之蘇頲陵夷至于後世遂至於無復職掌劉蕡對策以為夏官不知任籍止於奉朝請六軍不王兵事上於養勳階而陸長源一宰相書

亦曰兵部無戎帳。即無版圖。糞水不管山川。金倉不司錢穀。光祿不供酒衛尉。不供幕祕書。不校勘著作。不修撰。亦可知矣。雖唐初之制。亦有足取者。至後世不存矣。官以勞考。叙進所以考功也。自高宗設泛階。而其制以壞。內待不置三品。所以防患也。自元宗用高力士。而其法復壞。銓曹注授之法。既變於裴光庭。而門下過官之制。又發於楊國忠。立法之善。意不可見矣。

唐考功九等法

唐考功之法。掌於史部。京官之考。則即中主之外官之考。則負列主之。而又有監中外官考使。以泄督其事。凡百官之長。歲較其屬之功。過州牧刺吏縣令。每歲亦上其狀於考司。監領之官。差以九等。大合衆而讀。而唱第於尚書。而後奏之。代流內之官。叙以四善。焉善狀之外。又有二十七最。焉夫所謂四善者。何也。德義有聞也。清謹明著也。公平可稱也。恪勤匪懈也。此之謂四善。夫所謂二十七最者。何也。獻可替否。拾遺補過。是近侍之最也。銓衡入。盡才良。是選司之最也。揚清激濁。褒貶必當。是考校之最也。禮制儀式。動合經典。是禮官之最也。其於音律。充諧不失節奏。則為樂官之最。其於決斷。不滯于奪。合理則為判事之最。其於部統。有方警守。無失則為宿衛之最。其於兵士。調習戎裝。充備則為督領之最。若乃法官之最。則以推鞠得情。懸斷平允者為之。校正之最。則以讎校精審。明於判定者為之。宣納之最。則以承旨敷奏。吐納開敏者為之。學官之最。則以訓導有方。生徒充業者為之。以至於賞罰。嚴明攻戰。必勝。是之謂將軍將之最。禮義興行。肅清所部。是之謂政教之最。祥錄。與止辭。理兼舉。是之謂文史之最。訪察精審。彈舉必當。是之謂糾正之最。曰勾稽。曰監掌。曰役使。曰屯官。既各定曰倉庫。其最矣。而歷官之推步。方術之校驗。關津之檢察。市司之不擾。亦莫不各有最焉。雖牧官之徵鎮。防之遠。亦以牧養之肥碩。邊境之清肅者為之最。此之謂二十七最也。故一最四善為上。上一最三善為上。中一最二善為上。下其無最。而有二善者。次之。無最。而有一善者。又次之。善最。不聞者。斯為下矣。甚而或至於愛憎之任情。或背公而向私。或居官之貪濁者。皆列

於下之三等焉觀其九等之差猶詳於其所謂善而畧於其所謂最也
蓋善者德也最者才也唐之法猶可嘉焉凡考中上以上每進一等則
有加祿之法中下以下每退一等則有奪祿之法此又所以寓懲勸之
微意也

唐三銓之法

通典云在尚書省則為尚書銓分於侍郎者則為中銓為東銓唐六典曰又以三類勸其異一曰德行二

曰才用三曰勞效

凡選有文武文選則吏部主之武選則兵部主之皆為三銓之法在尚
書則與其一在侍郎則分其二而其擇人之法有四一曰身所以取其
體貌之豐偉也二曰言所以取其言辭之辯正也三曰書所以取其措
法之道美也四曰判所以取其文理之優長也四者皆在所可取則又
以德行先之德均則以才均則以勞其得者為留其不得者為放自
五品以上則不試于選特以用次制以勅而授之自六品以下始集而
試觀其書判已試而銓察其身言已銓而注詢其便利已注而唱則以
類而聽其名先簡二僕射而乃上于門下給事中讀之黃門侍郎省之

侍中審之不審者則駁其非既審者則以聞主者受旨而奉行焉謂之
奏受其視品及流外官則判補之皆給以符而謂之告身凡試判登科
則評之入等而其拙者則謂之濫縷選未滿而試文三篇者謂之宏詞
試判三條者則謂之拔萃而其中者則以官授之此選法之大畧也自
是而外又有所謂小選曰東選曰南選之名凡流外兵部禮部舉人即
官得自主之者則謂之小選東人選者或集于洛州則謂之東選嶺南
黔中之屬郡縣之官不由吏部乃遣郎官御史而為選補使則謂之南
選其名亦不一焉然其名雖不一而所以擇之之法當不易也自裴行
儉設長名榜引銓注法復定升降之等而銓法於是而始改張仁偉負
外郎造姓胥改狀樣銓曆之法而銓法於是而遂變姚崇宋璟之疏
而賢愚一槩必與格合乃得銓授而銓法於是而遂變姚崇宋璟之疏
患斜封墨敕之濫也乃合三銓而通掌之於是有通銓之事宇文融慮
吏部選試之不公也欲精其選而分掌之於是有十銓之名其後揚國
忠以右相而兼吏部悉唱注於都堂以誇神速而門下過官三銓注官

之法遂一旦而盡發此法之所以壞也然銓法在唐盛時諸公固已病之如杜如晦則曰今吏部取人獨舉其言辭刀筆而不謀才行張九齡亦曰今吏部始定簿書以備遺忘而反求精於案牘不急人材而時人有平配之請官曹無得賢之實至沈既濟言四大之弊於德宗之時則又以為考校之法皆在書判簿曆言辭俯仰之間安行徐言非德也空文善書非才也累資積考非勞也則是唐之法尤未為良法也雖然亦存乎人而已矣如鄭愷之納貨而選人滯滯崔湜之納賂而銓選無序李義府無品鑒才而濫舉之欲惟賄是利則安望其得人若高季輔之在太宗時善銓序人物至賜金鑑以況其清鑑李義之在睿宗時請謁不行而時人有李下無蹊徑之譽則亦何病於法乎其他若馬載若盧從願若李朝隱或猶檢詭偽而以平允聞或罷黜糾封而不避怨誅者則銓法未嘗不善也故史臣載前有裴馬後有盧李有深意矣

卷六

元宗之開元也方開元之十年詔於集賢院脩定六

典而元宗手寫六條曰理教禮政刑事時張說奏徐堅為之經歲而無規制乃命韋述等參撰始以令式象周禮六官其後蕭嵩張九齡之徒亦與焉至二十六年而書始成凡三十卷辨以其書而攷之自太師太傅太保則為三師太尉司徒司空則為三公尚書都省門下省中書省秘書省殿中省內侍省則為六省御史之官則為御史臺曰太常曰光祿曰衛尉曰宗正曰太僕曰大理曰鴻臚曰司農曰太府則為九寺曰國子曰少府曰軍器曰將作曰都水則為五監曰左右衛曰左右驍衛曰左右武衛曰左右威衛曰左右領軍衛曰左右金吾衛曰左右監門衛曰左右千牛衛則為十六衛左右羽林軍則為北衛其他如東宮五府之官京兆河南太原三府之官督府州縣之官皆可於其書而攷焉且以三師三公言之皆古宰相之職也唐不常置蓋三師三公皆正一品雖尚書令亦不過正二品左右丞相不過從二品耳故吏部叙階凡二十有九乃自從一品以下而三師三公不在焉蓋三師三公之尊非可以叙遷也以六等言之尚書都省則有尚書令有左右丞相有左右

丞有六部之屬夫尚書令號為端揆之官所以統乎六部而為之長也
 自武德中太宗嘗親其職自是闕而不置其國政樞密皆委中書八座
 之於但受其成事而已若令闕則以左右僕射為省士此唐尚書令之
 制也左右丞相在咸亨中名為僕射自開元而始為左右丞相之名唐
 初未嘗不知國政也自開元中張說兼之後罷知政而猶為丞相自此
 以後遂不知國政而丞相為虛名耳此唐丞相之制也糾舉憲章以表
 六官之儀制正百僚之文法若御史有糾劾不當兼得彈奏此唐左右
 丞之制也吏部之叙有尚書有侍郎所以掌天下之官也故即中則有
 叙階之法自開元儀同為從一品而至于文林將仕之從九品凡二十
 九焉而其中自四品而下每品又有上下之別其叙階也有以封爵有
 以姻戚有以勳庸有以資蔭有以秀孝有以勞考其嶺南黔中三年一
 置選補使則號為南選即中所掌之選則號為少選京司之吏未入九
 流者謂之流外餘負外所掌之選院則號為南曹司封司封爵之制自
 王而至于子男則有九等司勳勳級之制自上柱國而至于武騎雲騎

則有十二等考功之法則有四善二十七最此吏部之大畧也戶部
 之職有尚書有侍郎所以掌天下之戶口之田也貢賦之差則分為十
 道戶之資產則定為九等給田之制則曰末業曰口分凡有二焉什役
 之制曰租曰調曰役曰雜徭凡有四焉此皆戶部之大畧也禮部尚書
 之與侍郎所以掌天下之禮儀貢舉之政令也而其屬曰禮部曰祠部
 曰膳部曰主客凡五禮之儀吉凶軍賓嘉凡一百五十有五等舉試之制
 自秀才明經進士明法書算其科有六此禮部之大畧也兵部尚書之
 與侍郎所以統天下之軍衛武選也其屬曰兵部曰職方曰駕部曰庫
 部以三鈔之法領其事以五等閱其以二二奇技其異武官之勳級品
 命自驍騎輔國而下至于仁勇陪戎叙階之法凡二十有九焉自上柱
 國而下至于雲騎武騎勳官之等亦十有二焉左右衛之親勳則通
 謂之三衛左右衛之三衛則分為五仗成丁而入六十而免量其遠近
 以定其番第自京兆河南蒲同華岐等則皆令番上餘州則納資而已
 凡親王總戎則曰元帥文武官總統則曰總管以奉使而言之則曰節

度使凡天下之節度有八又有大使副使之名焉職方之堂鑄成有上
鎮中鎮下鎮上成中成下成之號駕部之掌輿輦車乘天下之傳驛凡
三十里一驛焉此兵部所統之大畧也刑部之職掌天下之刑法自尚
書侍郎而下其屬有四曰刑部曰都官曰此部曰司門文法之名有四
曰律曰令曰格式此刑部之大畧也工部之職掌天下之百工凡田自
尚書侍郎而下其屬有四曰工部曰屯田曰虞部曰水部凡軍州邊防
鎮守轉運不給則設屯田以益軍儲凡天下諸軍州管屯總九百九十
有二凡屯名有屯官屯副文武職事官則有職分田在京諸司則有公
廨田此工部之大畧也自侍中黃門侍郎而下曰給事中曰左散騎常
侍曰左諫議大夫曰左補闕拾遺曰起居郎曰洪文館學士則皆屬於
門下省焉自中書令中書侍郎而下曰中書舍人曰右散騎常侍曰右
補闕拾遺曰起居舍人曰通事舍人曰集賢殿書院學士曰集賢院學
士曰文館則皆屬於中書省焉夫侍中所以掌出納帝命而黃門為之
或至給事中則分別省事有司奏執侍中審定則先讀而書之以駁正

遺失此門下之制也中書令所以掌軍國之大政而侍中為之二至中
書舍人則詔旨制敕起草進畫既下則行之此中書之制也然曰散騎
曰諫議曰補闕曰拾遺其左乃屬於門下其右乃屬於中書何也曰起
居曰洪文既屬之門下矣曰舍人曰通事曰集賢曰史館乃屬之中書
何也切考唐中書門下之兩省乃在於宣政殿之東西廡其地亦邃矣
則凡諫正之事講論之益記注之官正欲隨所在而致其力也是以命
出於中書則造命之地有人焉命行於門下而審覆之地有人焉此建
官之美意也至於祕書監之掌經籍圖書之事而有經史子集四部之
別其下又有二局焉曰著作局者所以掌撰碑文之屬曰太史局者所
以掌曆數天文之事此又祕書省之制也其外有殿中省內侍省並列
為六省焉至於御史臺則以御史大夫為之長曰中丞曰侍御史曰殿中
曰監察御史皆臺官也自馬周以布衣太宗令於監察御史裏行自此
遂有裏行之號此御史臺之制也其次太常光祿而下及于太府者凡
寺之制也國子監而下及于都水者五監之制也左右衛而下曰驍騎

曰武騎曰威衛曰領軍衛曰金吾衛曰監門衛曰千牛衛皆有左右者此十六衛也夫所謂衛者何也唐制每衛則有大將軍有將軍有中郎將凡兵士隸衛各有其名隸左右衛者則曰驍騎隸驍衛者則曰豹騎隸武衛者則曰熊渠隸威衛者則曰羽林隸領軍衛者則曰射聲隸金吾衛者則曰伏飛總名為衛士皆取六品以下子孫充之如左右衛大將軍職掌宮庭警衛之法凡親勳翊五中郎將及折勳府所隸者皆總衛焉則左右衛者又諸衛之長也其曰親府曰勳一府曰勳二府曰翊一府曰翊二府號曰五府總曰三衛皆左右衛之制也若左右驍衛武衛威衛左右領軍衛其掌皆如左右衛而金吾則掌宮中及京城巡警之法監門衛則掌諸禁衛門籍之法千牛衛則掌宮殿侍衛及宮御之儀仗者也每府則有折衝都尉左右果毅都尉夫折衝之職掌領五校之屬以備宿衛凡衛士三百人為團以一校尉領之以便習騎射者為越騎餘為步兵其團十人為火凡兵馬在府每季冬折衝都尉率五校之屬以教其軍陣戰鬪之法其果毅則為之貳此七十六衛之制也

杜牧以為內以十六衛畜養我臣唐會要以為置十二衛將軍分關中諸府隸焉唐制以為唐因隋置十二衛唐鑑載武德中以十四衛為京職事官其說不同何也蓋唐志十六衛中領府者十有二而監門千牛不與焉十六衛之外文有左右羽林軍職統北衛禁軍之法此皆見於六典之可攷者也然六典之建實倣周制今以李林甫所注者攷之如六部尚書所以倣周之六卿也尚書之下有侍郎所以倣周六官之二也即中之制所以倣周禮六官之屬所謂下大夫者也負外之制所以倣周禮六官之屬所謂上士者也不獨此也中書令者所以倣周之內史也史館史官所以倣周之太史小史也秘書省所以倣周之外史也然則六典之建豈非有意於法古哉然侍中黃門本秦漢之制也給事諫議亦秦漢之制也尚書六曹之名蓋自漢而始盛散騎常侍之名蓋自魏而始合唐實踵而行之則其所謂法古者又不獨在於周矣然唐之制雖不純於周而其親近儒士之意則猶古意何也有常參官有供奉官有清望官有清官皆儒士也如五品以上職事官八品以上供奉

官至於太常博士之屬則謂之常參官侍中中書令左右散騎常侍黃門中書侍郎諫議大夫給事中中書舍人起居郎起居舍人左右補闕拾遺中丞侍御史之屬則謂之供奉官黃門侍郎尚書左右丞諸司侍郎太常少卿秘書少監國子司業等則謂之清望官如諭德如給舍臺諫左右史諸司員外郎至於四門助教皆謂之清官每日以三品已上清官兩人待制於衙內此豈非樂親儒士之意乎如洪文集賢翰林學士之類則又有可言者自武德正觀以來妙選賢良文學之士為洪文學士曰直學士曰文學直館所置無負數自褚無量檢校館務而學士號為館主其後有張太素劉棹之范履冰並以特勅相次為館主此非洪文之盛事歟自太宗秦府學士之後洪文崇文皆有學士元宗大收群書以廣儒術命褚無量馬懷素校四部書於乾元以張說為修書使於是改修書所為集賢殿書院以說為大學士其後更置修撰校理多以他官為之無量懷素侍講之號至集賢院學士則又蒲願問應對承旨撰集文章此又集賢之盛事也獨六典所載而於翰林學士特缺焉

然以唐百官志攷之則知翰林之有學士乃在於開元之二十六年而六典固已成故唐志謂洪文集賢分隸中書門下省而翰林學士獨無所屬特附於百官之序云今其言曰唐制乘輿所任必有文詞經學之士自太宗時名儒學士時時召以草制然猶未有名號乾封以後始號為北門學士元宗初置翰林侍詔以張說張九齡為之掌四方表疏批荅應和文章號翰林供奉與集賢院學士分掌制誥書敕開元之二十六年始改供奉為學士別置學士院專掌內命選用益重而禮益親至號為內相初無定負自諸曹尚書而下至校書郎皆得與選內宴則居宰相之下一品之上憲宗又置承旨於是又有翰林承旨之名豈非其尊重儒生之意乎此其制度之美也若夫凡出身非清流者不注清資之官凡注官階卑而擬高者則曰守階高而擬卑者則曰行其在吏部兵部考功都省御史臺中書門下是謂之前行要望目為七司其餘則曰後行閑局其制亦不可不知也然以唐志而較之六典專於尚書令之下則曰左右丞相而唐志乃謂之左右僕六典於太學博士之下則

繼以四時博士而唐志於太學博士之下乃有廣文館博士既置唐志
於羽林軍之後又有左右龍武神武神策之名而六典無之此豈非六
典所載乃關元以前之制而唐志所載者乃關元以後之制乎此又攷
制度之所當知者故附見焉

唐太宗定功臣

高祖論太原首功自裴寂劉文靜而下至于趙文恪許世緒之徒凡十
有四人武德九年太宗復定功臣而文靜已沒故自寂而下至于秦行
師馬三寶之屬等其功之大小而第之總為四十有三人焉今以其傳
而攷之自趙文恪而下十有八人雖附見於裴寂傳後而其功不為甚
顯君子不暇論也惟寂等三十人已見於傳則其功有可言者如裴寂
之共建大計長孫無忌之入定大難李藥師之南平江陵北破突厥西
定吐谷渾而遼東之後猶有雖老尚堪一行之語則靖之功為可知李
懋功之平建德俘世充降黑闥而又破頡利於曠北使突厥稽首請命
而不致南向殆有賢於長城者則勳之功為可知其他如從破建德則

羅藝壽暹敬德從平黑闥則李子和商開山至於徇巴蜀降骨咄則趙
王孝恭也平師鄴討谷渾則柴紹也破潼關而遂定陝者長孫順德也
從戰東都少擊衆者王君廣也劉洪基之討薛舉劉政會之圖武周
竇軌之起兵募衆畧地渭南高士廉之能舉交趾歸心附義屈突通不
牽於贊子之變而以死許國故有烈士徇名之稱唐儉雖有武周之辱
猶藉府庫而有不改志朝廷之志秦叔寶之先鋒麴暉程知節之奉旗
先登封德彝之議軍事而高祖謂雖張華叶策晉武亦何以加則軍謀
為可取段志元之堅守軍門而太宗謂周亞夫亦何以加則軍政為可
法蕭瑀有疾風勁草之節足為社稷之臣杜淹有才辨多聞之名足君
常謀伐高麗他人畏怯之時而毅然請行張公謹之經畧突厥侯君集
之能平高昌此皆其效績於一戰之間者也故史臣贊之曰帝王之興
其威靈氣發有以動物悟人者故士有一槩皆填然躍而附之若緣旗
梁柱以成大室ノ負偃植各安所施而無遺材者守之謂耶雖然又有

大於此者元齡杖策軍門一見如舊獨收人物致于幕府下與諸將密相申結人人願盡死力故太宗嘗曰元齡有決勝帷幄立社稷功蕭何所以先諸將也則元齡之功為如何如晦之常從征伐參謀帷幄時方多事裁處無留莫見其涯故元齡嘗謂帝曰必欲經營四方捨如晦無共功者則如晦之功為如何若夫元齡之善謀如晦之善斷二人同心叶濟以佐帝室當紀綱彫弛之餘而能興什植僵使號令典刑粲然罔不備雖數百年猶蒙其澤可謂名相然求其所以致之之蹟逮不可見何哉唐柳芳有言削定禍亂而房杜不言功王魏善諫而房魏遜其直英衛善兵而房杜濟以文持衆美而效之君輔贊彌縫而識諸用使人由而不知是後新進更用事元齡身處要地而不吝權善始以終此其成令名者故當時語良相必曰房杜云豈非餘子之所可並論也然而武德功臣之次不始於房杜而乃以裴寂為先豈非特以晉陽之始謀乎其後至德宗時錄武德以來宰相功臣詔差為二等凡增至百八十有七人每等則以武德以來宰相為首功臣次之至德肅宗以來將相

又次之故房杜之名乃在諸臣之首今自房杜而下至于南宮雲凡八十二人為第一等自竇威而下至于李愷姚閻凡百有五人為第二等並載其名於忠義傳後者即當特所定之次也

○張寂傳始高祖論太原首功詔尚書令秦王尚書左僕射裴寂納言

劉文靖恕二死

左驍衛大將軍長孫順德

右驍衛大將軍劉弘基

右屯衛大將軍竇琮

右翊衛大將軍柴紹

內史侍郎唐儉

吏部侍郎殷開山

鴻臚卿劉世龍

衛尉少卿劉政會

都水監趙文恪

庫部郎中武士護

驃騎將軍張平高李思行李高遷

左屯衛府長史許世緒等十四人恕一死

○武德九年十月太宗又定功臣封戶時文靜已死乃自寂而下差功

大小第之總四十三人

寂戶千五百

長孫無忌

王君邪

尉遲敬德

房玄齡

杜如晦戶千二百

長孫順德

柴紹

羅藝

趙郡王孝恭戶一

千二百

侯君集

張公謹

劉師立戶千

李勣

劉弘基戶九百

高士廉

宇文王及

秦叔寶

程知節戶七百

安興貴

安脩仁

唐檢

竇軌

屈突通

蕭瑀

封德彝

劉義節戶六百

錢九隴

樊興

公孫武達

李孟常

段志玄

龐卿暉

張亮

李藥師

杜淹

元仲文戶四百

張長遜

張平高

李安遠

李子如

秦行師

馬三寶戶三百

長孫無忌傳貞觀十一年乃詔有司朕憑明靈之佑賢佐之力克剪多難清宮內蓋特屯共資其力世安專享其利朕所不取刺史古諸侯雖名不同而監統一也無忌等義貫休感效挺夷俊嘉庸懿績簡在朕心其改錫土守用世及之制乃以

無忌為趙州刺史以趙為公國

房玄齡宋州刺史國於梁

杜如晦贈密州刺史國於萊

李靖濮州刺史國於衛

高士廉申州刺史國於申

侯君集陳州刺史國於陳

道宗鄂州刺史王江夏

孝恭觀州刺史王河間

尉遲敬德宣州刺史國於鄂

李勣蘄州刺史國於英

段志玄金州刺史國於褒

程知節普州刺史國於靈

劉弘基朔州刺史國於夔

張亮李州刺史國於鄜

凡十有四人餘官食邑尚不在

李澄傳武德功臣十六人貞觀功臣五十三人至德功臣二百六十

五人德宗即位錄武德以來宰相及實封功臣子孫賜一子正食官

史館攷勲名特高者九十二人以三等條奏第一等以其歲授官第二等以次年第三等子孫數訟於朝有詔差為二等增至百八十七人每等武德以來宰相為首功臣次之至德以來將相又次之

司空太子太傅知門下省事梁國公房玄齡

尚書右僕射檢校侍中萊國公杜如晦

太子太保同中書門下三品宋國公蕭瑀

開府儀同三司同中書門下三品知政事上柱國申國公高士

燕

太子太師知政事特進鄭國公魏徵

侍中永寧郡公王珪

吏部尚書參豫朝政道國公戴胄

中書令江陵縣子岑文本

中書令兼太子左庶子檢校吏部尚書高唐縣公馬周

侍中兼太子左庶子檢校吏部禮部民部尚書事清苑縣南劉

洎

尚書右僕射同中書門下三品河南郡公褚遂良

太子太師同中書門下三品燕國公于志寧

尚書右僕射同中書門下三品兼太子少傅北平縣公張行成

中書令行侍中兼太子少保齊縣公高季輔

侍中兼太子賓客襲穎川縣公韓愛

中書令兼太子詹事南陽縣侯來濟

侍中兼太子賓客張文瓘

侍中龍山縣公郝處俊

中書侍郎同中書門下三品兼太子右庶子酒泉縣公李義琰

內史河東縣侯裴炎

文昌左相同鳳閣鸞臺三品溫國公蘇良嗣

內史梁國公狄仁傑

納言檢校并州大都督府長史天兵軍大總管隴右諸軍大使

譙縣子婁師德

鳳閣侍郎同鳳閣鸞臺平章事石泉縣公王方慶

文昌左相同鳳閣鸞臺三品襲邢國公王及善

尚書右僕射兼中書令知兵部尚書事齊國公魏元忠

紫微令梁國公姚崇

正諫大夫同鳳閣鸞臺平章事朱敬則

尚書左僕射同中書門下平章事許國公蘇懷

吏部尚書兼侍中廣平郡公宋璟

黃門監梁國公魏知古

中書侍郎同中書門下平章事充國公陸象先

紫微侍郎同紫微黃門平章事許國公蘇頌

中書令河東縣侯張嘉貞

中書侍郎同中書門下平章事清水縣公李元紘

黃門侍郎同中書門下平章事宜陽縣子韓休

中書令始興縣伯張九齡

司空河東郡公裴寂

納言上柱國魯國公劉文靖

太尉檢校中書令同中書門下三品揚州大都督趙國公長孫

無忌

禮部尚書河間郡王孝恭

尚書右僕射檢校中書令行太子左衛率上柱國衛國公李靖

司空兼太子太師英國公李勣

開府儀同三司邠州都督鄂國公尉遲敬德

左光祿大夫洛州都督蔣國公屈突通

陝東道大行臺吏部尚書鄧國公殷開山

衛尉卿夔國公劉弘基

澤州刺史邳國公長孫順德

民部尚書上柱國莒國公唐儉

右驍衛大將軍駙馬都尉燕國公柴紹

右驍衛大將軍褒國公段志玄

洪州都督俞國公劉政會

左武侯將軍相州都督鄒國公張公謹

右武衛將軍廬國公程知節

左武衛大將軍上柱國胡國公秦叔寶

弘文館學士祕書監宋興縣公虞世南

右衛大將軍兼太子右衛率二部尚書武陽縣公李大亮

左武衛大將軍邢國公蘇定方

夏官尚書同中書門下三品清邊道行軍總管耿國公王孝傑

中書令漢陽郡公張柬之

中書令博陵郡公崔玄暉

侍中平陽郡公敬暉

侍中譙國公程彥範

中書令南陽郡公袁恕已

右武衛大將軍同中書門下三品韓國公張仁愿

尚書左丞相兼黃門監徐國公劉幽求

黃門侍郎參知機務脩文館學士齊國公崔日用

兵部尚書司中書門下三品代國公郭元振

尚書左丞相兼中書令集賢院學士燕國公張說

紫微侍郎上柱國趙國公王珣

兵部尚書同中書門下三品持節朔方軍節度大使守山郡公

王駿

尚書左僕射同中書門下平章事兼河南江淮副元帥東都番

守冀國公裴冕

文部尚書同中書門下平章事清河縣公房琯

門下侍郎同中書門下平章事衛國公杜鴻漸

鎮西武延行營節度使開府儀同三司衛尉卿兼懷州刺史魏

國公李嗣業

平盧軍節度使柳城郡太守劉正臣

桓州刺史衛尉少卿兼御史丞顏杲卿

常山郡太守袁叢謙

河南節度副使左金吾衛將軍檢校王客郎中兼御史中丞張

巡

睢陽郡太守兼御史中丞許遠

御史中丞晉墓東都知武部選盧弈

睢陽郡太守特進左金吾衛將軍南霽雲

右第一

內史令延安郡公竇威

將作大匠判納言陳令公竇抗

侍中兼太子左庶子江國公陳叔達

納言觀國公楊恭仁

判吏部尚書參議朝政安吉郡公杜淹

中書令虞國公溫彥博

中書侍郎檢校刑部尚書參知機務崔仁師

中書令兼檢校太子詹事上柱國安國公崔敬禮

戶部尚書平恩縣公許圜

兵部尚書同中書門下三品沮江道行軍總管任雅相

度支尚書同中書門下三品范陽郡公盧承慶

西臺侍郎同東西臺三品兼弘文館學士楚國公上官儀

右相廣平郡公劉祥

左侍極兼檢校左相嘉興縣子陸敦信

文昌左相同鳳閣鸞臺三品樂城縣公劉仁軌

荊州大都督府長史安平郡公李安期

尚書右僕射同中書門下三品兼太子賓客襲道國公戴至德

司列少常伯太子右中護兼正諫大夫同東西臺三品趙仁

老成後卷二十一
中書令趙國公李敬玄

中書令兼太子左庶子薛元超

中書令同中書門下三品崔知溫

侍中同中書門下三品襲廣平郡公劉蕡賢

納言樂平縣男王德貞

地官尚書檢校納言鉅鹿縣公魏玄同

文昌左相同鳳閣鸞臺三品特進輔國大將軍鄧國公岑長情

鳳閣侍郎同鳳閣鸞臺三品臨淮縣男劉禕之

納言博昌縣男章思謙

地官尚書同鳳閣鸞臺平章事格輔元

司禮卿判納言事渤海縣子歐陽通

內史李昭德

鸞臺侍郎同鳳閣鸞臺平章事陸元方

鳳閣侍郎同鳳閣鸞臺三品杜景佺

尚書右僕射兼太子賓客同中書門下三品鄒國公韋安石

左散騎常侍同中書門下三品知東都留守趙郡公李懷遠

中書令道遙公韋嗣立

守侍中同中書門下三品兼太子右庶子常山縣男李日知

檢校黃門監渙縣伯盧懷慎

中書令左丞相兼侍中安陽郡公源乾曜

黃門侍郎同紫微黃門平章事魏縣侯杜暹

侍中趙城侯裴耀卿

左武衛大將軍開府儀同三司淮安王神通

特進太常卿江夏王道宗

荊州都督周國公武士護

右屯衛大將軍檢校晉州都督總管譙國公竇琮

少府監葛國公劉義節

右光祿大夫羅國公張平高

洛州都督右衛大將軍鄧國公竇軌

瓊州都督息國公張長遜

金紫光祿大夫夷國公李子和

左監門衛大將軍檢校右武侯將軍榮國公樊興

左監門衛大將軍榮國公錢九隴

右驍衛大將軍歸國公安興貴

右武衛大將軍申國公安修仁

殿中監郢國公宇文弋

右武衛大將軍沔陽郡公公孫武達

荊州都督懷寧郡公杜君綽

右驍衛將軍漢國公龐知暉

代州都督同安郡公鄭仁恭

右翊衛將軍遂安郡公李安遠

幽州都督歷陽郡公獨孤彥雲

始州刺史左屯衛大將軍襄武郡公劉師正

右威衛大將軍濟東郡公李孟嘗

右監門衛大將軍河南縣公元仲文

右監門衛大將軍廬陵郡公秦行師

左領軍大將軍新興公馬三寶

右衛大將軍駙馬都尉畢國公阿史那社尒

鎮軍大將軍虢國公張士貴

左衛大將軍琅邪郡公牛進達

鎮軍大將軍嘉川郡公周護

陝州刺史天水郡公丘行恭

潭州都督吳興郡公沈叔安

散騎常侍豐城縣男姚思廉

太子少師同中書門下三品特進朔方道行軍大總管宋國公

唐休璟

左羽林軍大將軍遼陽郡王李多祚

左領軍大將軍趙國公李湛

刑部尚書太子賓客魏國公楊元琰

殿中監兼知總監汝南郡公程無言

冠軍大將軍左羽林軍大將軍光祿卿天水縣公趙承恩

將作大匠裴思諒

右羽林軍將軍弘農郡公楊執

左衛將軍河東郡公薛思行

光祿卿駙馬都尉琅邪郡公王同休

中書令越國公鍾紹京

太僕卿立節郡王薛崇簡

右金吾衛大將軍涼國公李延昌

太子中允同正黃國公馮道力

少府監趙國公崔諤之

左監門衛中候光祿卿申國公許輔乾

左金吾大將軍鄧國公張璋

朔方道行軍大總管左羽林軍大將軍平陽郡公薛訢

河南副元帥太尉兼侍中臨淮郡王李光弼

河南節度副大使守司空兼兵部尚書霍國公王思禮

左相幽國公韋見素

太保韓國公苗晉卿

中書令趙國公崔圓

大原節度使檢校尚書左僕射同中書門下平章事金城郡王

辛雲京

河南龍右元帥兵部尚書同中書門下平章事涼國公李抱玉

太子太師檢校尚書右僕射知省事信都郡王田神功

四鎮北庭涇原節度使檢校尚書左僕射知省事扶風郡王馬

璘

左羽林軍大將軍檢校戶部尚書兼御史大夫薛景仙

右散騎常侍檢校禮部尚書兼御史大夫尚衡

太原尹兼御史大夫北都留守河東節度副大使南陽郡公鄧

景山

河東節度副使兼鳳翔太守光祿卿賈楷

禮部尚書東京留守酒泉縣侯李澄

東平郡太守姚闡

右第二

唐登瀛之選

武德四年太宗當寇亂甫平之初日不暇給乃作文學館收聘賢才訪以政事討論墳籍權畧前載于時在選之士自房杜而下曰于志寧曰蘇世長曰薛收曰褚亮曰姚思廉曰陸德明曰孔穎達曰李元道曰李素守曰虞世南曰蔡允恭曰顏相時曰許敬宗曰薛元敬曰蓋文達曰蘇勉凡十有八人焉其後薛收既卒復以劉孝孫補之所謂十八學士

者此也切嘗以傳而攷其人之大畧如元齡之善謀如晦之善斷同心叶濟以創大業此固非他人所及者至於收引人物致之幕府而軍符府檄駐馬即辨陳事千里之外猶對面語者此又元齡之偉才也常從征伐參謀帷幄雖事務煩多而裁處無滯莫見其涯者此又如晦之達識也于志寧識褚亮於囚虜則其智為可稱蘇世長諫田獵於涇陽則其直為可喜書檄露布馬上占辭如素成者薛收之敏也出入軍旅掌預秘謀而有裨補之益者褚亮之忠也姚思廉之撰梁陳書顏相時之為漢書決疑虞世南之默寫列女傳則其才為長於史孔穎達之為五經義訓蓋文達之明春秋三傳陸德明之說經隨方立義備析其要則其才為長於經李元道以草書稱李守素以肉譜稱

本傳云通氏姓學世號肉譜

蔡允恭以能詩稱許敬宗以善屬文稱薛元敬以文翰稱識名此皆其一藝一能之可采者也獨蘇勉不見於傳而劉孝孫之傳無可書故其事不得而詳焉然皆一時之選也是以當時瀛州之號以為儒士之事

而間立本則為之圖褚亮則又為之贊其後蔣義則又為秦府十八學士史臣傳迨至開元得人之盛亦髣髴其事而擬其數故唐翰林盛事所載則云張說徐堅賀知章之徒十有八人為集賢殿學士於東都上陽宮含象亭圖為其貌今攷於唐藝文雜藝術類中者殷駁韋無忝開元十八學士圖者其意可想也雖然如房如杜如姚如陸如顏達如世南此固其最優者而其次則如志寧如世長如收如亮以至於允恭之徒其事之可見者亦足為國家之盛彼設宗者果何人耶而亦預是選雖其長安城之對昆明池之對帝丘之對濟深之對足以為一時辨捷之快其後一言之繆竟為社稷之深禍其視諸公寧不愧乎若杜淹之才辨多聞攷之本傳亦曰嘗為文館學士矣而名不列于荆魏證之忠蹇顏師古之明練治體令孤德棻李延壽之吏學其為益殆不淺也而反不列於其間又未知其果何如也此吾猶有遺恨云

初武德四年太宗為天策上將軍寇亂稍平乃於鄉儒宮城西作文學館收聘賢才。於是下教以

太行臺司勳郎中杜如晦

記室考功郎中房玄齡

及于志寧

軍諮祭酒蘇世長

天策府記室薛收

文學褚亮

姚思廉

太學博士陸德明

孔穎達

王簿李玄道

天策舍曹參軍事李守素

王府記室參軍事虞世南

參軍事蔡允恭

顏相時

著作郎攝記室許敬宗

薛元敬

大學助教蓋文造

軍諮典簽蘇昂

已上並以本官為舉

七年收卒復召東震州錄事參軍劉孝孫補之凡分三番遞宿于闐下悉給珍膳每暇自訪以政事討論墳籍惟畧前載無常禮之間命闡立本圖像使亮為之贊題名字爵里號十八學士藏之書府以章禮賢之重方是時在選中者天下所慕向謂之登瀛州

唐凌煙功臣

太宗正觀之十七年詔圖功臣于凌煙閣自長孫無忌而至于秦瓊凡二十有三人焉夫長孫無忌非以其肺腑之恩也以其數從征伐平大難討突厥之功而預焉河間孝恭非以其宗盟之故也以其徇巴蜀破夷陵有方面之功而預焉房杜之謀謨帷幄共定社稷引拔人物致之幕府而臺閣制度皆所裁制足以為元功之首矣衛之料敵制勝掃平紛亂降蕭鏡靖得世充勳破突厥于定襄靖破延陀於磧北勳足以為元勳之次魏證之忠蹇貴重世南之論議懸誠蕭瑀之抑過繩違曾無所憚此皆以文而有功于社稷者也屈突通之舉兵圍洛張公謹之副李靖破虜秦瓊之先鋒鏖戰前無堅對此皆以武而有功於社稷者也其他如敬德如唐儉如段志元如劉洪基如高開山如劉政會如許給如程知節如長孫順德皆其崎嶇兵間戮力王室有功於開創大業者也至於侯君集張亮雖不克終而其初亦未嘗無一戰之勇如破谷渾平高昌此君集之可見者也如樂黎陽伐高麗此張亮之可見者也唐

初功臣可謂盛矣故古溫贊凌煙之勳臣而其序有曰唐言公劉倫公之掄首戴神堯舉晉陽而極天下此則大禹之拯溺也魏鄭公以致君為已任諫若不及此則咎繇之賜言也虞永興糾合羣儒明備三禮克請帝樂煥乎其有文章此則夷夔之制作也長孫趙公舉大義定社稷此則周公之正教也英衛受天勇智肇定四方此則太公之鷹揚也房杜並運帷幄謀成大公此則蕭何之指蹤子房之決勝也尉遲秦程剛毅木訥為王前驅此則吳漢之樸忠賈復之雄勇也其所取大畧如此亦可見矣然唐史所載凡二十二人而呂溫之贊乃以春秋之義波君集張亮之名而為二十二贊至其序則曰圖畫於凌煙閣者二十有四又併高士兼而總言之數之不同亦不可不知也然而太宗以創業之功歸之羣臣而圖像之設有古人不志之意可謂厚矣故其後在求微時高宗則又取其終始之著者者圖形于凌煙曰證曰士彥曰瑀曰志元曰洪基曰世南曰瓊者是也在寶應時肅宗則又圖功臣于凌煙曰郭子儀曰李光弼者是也在正元時德宗則詔圖勳臣于舊臣之次

曰李晟曰馬燧者是也。在大中時，宣宗則又差定元和將相圖形，凌煙曰李絳者是也。既又詔求李峴、王珪、戴胄之徒，以至于李澄凡三十七人，皆續之。于是國為夫子儀、光弼，豈非以其再造唐室之功乎？取河北，復長安，回紇，涇陽之圍，而乃單騎見虜，一以至誠，屈之。故史臣謂之身為天下安危者二十年，權傾天下而朝不忌功，蓋一世而上不疑者。子儀之功為如何，朔方而救常山，轉戰太原而寇盜之鋒為之震襲，而退沮。故史臣謂治師訓整天下，服其威名而戰功推為中興第一者，光弼之功為如何。李晟、馬燧，豈非以其有扶持社稷之功乎？朱泚僭切於京師，懷光跋扈於咸陽，河北三盜盤據而紛錯，晟獨提孤軍以抗之，卒能秉義挺忠，以翦賊泚之黨。史臣謂師入長安而人不知，雖三王之佐無進其能，可謂仁義之濟者。則李晟之功為如何？破日允於魏，傳封懷光於河中，使中原之地不為盜區，其剛敵有過人者。史臣謂馬燧、沈雄忠力闢必決死，未嘗折北，名蓋一時。則馬燧之功為如何？至若李絳之在唐，每有詢訪，隨事補益，以直道進退，名重一時。如連彞之作立石，此

律之諫，朋黨之諫，方鎮進獻之諫，用賢豈容易之說，皆有補於治道。此大中之初，此以圖其像也。不特此也，李峴、張鑑之剛直，盧奕、李澄之忠義，王珪之推誠納善，戴胄之清直守法，馬周之敷奏明敏，張鎬之論議有體，王及善之臨事不可奪，柳渾之守正不阿，此皆有益於國者。裴寂、劉文靜之共建大計，褚遂良之安定社稷，劉幽求之參預大策，五王之興復唐室，此又其功之卓卓者。至若婁師德之忠，田隴、邴元振之善撫，炎、夏、朱敬則之諫，羅織、韓爰之定律，令郝處俊引魏文帝令而明社稷之大誼。

遜位武后事曰：魏文著令，帝崩不許皇后臨朝。

李勉劾武臣之譁，縱而至朝廷之益尊為相，譁譁而有大臣節者，張九齡也。兼叔向之遺直，子產之遺愛者，魏知古也。器識沈邃，有歲寒後凋之節者，陸象先也。振厲名節，臨事方嚴，而面斥諂諛之臣者，蕭復也。以至張巡之堅守睢陽，南霽雲之斷指自誓，李嗣業被堅數奮為諸軍冠，房琯之以天下為己任，請自將平賊，蕭華以魏自守而不肯從，漁陽之

亂賈孰付節度於樊澤而不敢稽天子之命表獲譙同呆卿以圖賊斬
欽湊於外郵而力為常山之守又皆其以忠勇而衛王室者也圖而像
之其可緩哉推其所自實正觀忠厚之意有以先之也

秦瓊傳貞觀十三年秦瓊改封胡國公後四年詔

司徒趙國公無忌 司空河間王孝恭

司空萊國公如晦 司空太子太師鄭國公徵

司空梁國公玄齡 開府儀同三司鄂國公敬德

特進衛國公靖 特進宋國公瑀

輔國大將軍褒國公志玄 輔國大將軍夔國公弘基

尚書左僕射蔣國公通 陝東道行臺右僕射鄧國公開山

荊州都督譙國公紹 荊州都督邳國公順德

洛州都督鄆國公亮 吏部尚書陳國公君集

左驍衛大將軍郟國公公謹 左領衛大將軍虞國公知節

禮部尚書宋興國公世南 戶部尚書渝國公政會

戶部尚書莒國公儉 兵部尚書英國公勣

并叔寶並圖形凌煙閣

高宗永徽六年遣使致祭名臣圖形凌煙閣者凡七人徵士燕鴉志玄
弘基世南叔寶皆始終著名者也

李博傳大中初又詔求 李峴 王珪 戴胄

馬周 褚遂良 韓瑗 郝處俊 婁師德

王及善 朱敬則 魏知古 陸象先 張九齡

裴寂 劉文靜 張柬之 袁恕已 崔玄暉

桓彥範 劉幽求 郭元振 房瑄 袁履謙

李嗣業 張巡 許遠 盧弈 南霽雲

蕭華 張鎬 李勉 張鎰 蕭復

柳渾 賈耽 馬燧 李澄

已上三十七人畫像續圖凌煙閣云

宋朝官制

宋朝自太祖設官分職多襲五代之制雖稍有增損而大體俱舊制也
唐制省部寺監之官備員而已無所職掌別領內外任使而省部寺監
別設主判官名惟以侍中中書令同中書門下平章事為宰相此尚循
唐制也至乾德二年始置參知政事為宰相副貳

以薛居正呂餘慶為宰相所居省謂之中書門下國政所出也而兵政
隸樞密院承五代之制故樞密有使副使知院同知簽書與中書號為
二府焉

對持文武二柄故號曰二

尚書省置判尚書都省

只一員但掌百官赴省集議及大祀受誓戒之事

六部各有王判率以舉事待制館閣官領之吏部即審官東院掌尚書
左選審官西院掌尚書右選吏部南曹掌侍郎左選三班院掌侍郎右
選流內銓考功郎官之職也戶部郎三司使尚書之任也

其官崇職重久次者為使稍輕則為權使資淺則為權發遣使公事

曰度支副使曰戶部副使曰鹽鐵副使皆侍郎之任也別置司判官

度支戶部鹽鐵各有判官所掌即本曹郎官之職也判官案唐軍器監

職也

掌造器械

判修造案唐工部將作少監職也

掌修造

判磨勘司唐比部職也

掌勾考

禮部有判部及判禮部貢院即尚書侍郎之任若兵部之事即歸樞密
工部之事則歸三司此二部不設主判官多以他官兼之刑部則審刑
院也

掌詳覆諸路奏案

翰林學士龔唐制以六員為額其帶知制誥則釐職事其別領省府職
事則不帶知制誥年德俱重者為承旨知通進銀臺司兼門下封駁事

即給事中也知制誥即中書舍人之職也

御史臺雖有大夫而不除以中丞為臺長諫官以別官兼領者即為知諫院同知諫院

資輕者為知院同知院兼掌博士之職

九寺則判太常寺禮院即卿之任也宗正則有判寺太僕職屬群牧司則有制置使以樞密及學士領之大理則糾察京師刑獄是其職也鴻臚則歸於客省四方館光祿司農大府其職皆屬三司衛尉無所總轄其職分為金吾衛仗司其環衛之任分為三衛皇城司矣故此五寺別無置司并主判官秘書省即昭文史館集賢謂之三館與祕閣隸本省有直館直院直閣校理館閣校勘謂之館職

初除於本省供職一年出補外任使

國子監有判監其資淺者為同知即祭酒司業之任而博士轉為直講將作少府軍器都水之職並屬於三司矣都水元常負一遇興役則遣官亦繫三司等人職掌官外又有學士待制等負惟觀文殿大學士仁

宗以資昌朝辭使相特建此職仍詔非曾任宰相不除觀文殿學士而

下曰資政殿端明翰林侍讀侍講龍圖天章寶文學士三閣待制皆為侍從清望之選

並無魁掌多帶職以領在內省府寺監在外藩方任使

自資政以上多以授二府舊自此末朝舊官制如此文臣則兼帶階勳即自武騎尉至上柱國十二轉是也武臣則兼帶階勳憲御檢校官四色憲御自監察御史至御史大夫號為憲銜檢校自國子祭酒至三公亦唐及五代舊制也而宋朝遵之元豐初始命置局群定官制大槩本唐六典為法稍增損之設尚書省置令左右僕射門下省置侍中中書省置令已上為丞相尚書有左右丞門下中書各有侍郎樞密院有知有同知已上為執政官尚書六部有尚書有侍郎有郎中有員外惟吏戶刑各置四員以其副曹也

左右司郎官通糾六部號都司專佐宰相理省事謂之宰屬翰林學士有定負御史臺官如舊制而除知雜事及裏行之名門下後者置左散

騎常侍中書後省置右散騎常侍而不除人給舍諫官左右史之屬
曰左右散騎曰給事中曰起居曰左右諫議大夫曰左右司諫曰
左右正言是也

皆號為兩省官秘書省有監自監少而下曰丞即校書正字著作又佐
即號館職罷直館院校理等負惟有修撰直祕閣號貼職而別領在外
任使九寺四監為寺監官國子祭酒而下有司業丞簿大學有博士正
錄已上為學官是謂職事官罷三司使副及諸生判官而其職分隸諸
省部寺監以太師太傅太保為三司太尉司徒司空為三公皆論道之
官無專領之職為宰相兼官以開府儀同三司易節度使同中書門下
平章事號為使相以唐之散階易省部寺監官歸釐本職號階官為寄
祿官而食其俸以領內外任使削憲術檢校留勳十二轉此元豐新制
官名即循唐舊典職掌亦倣周禮六官之法也

黃元禮崇官制

初神宗喜觀六典一日諭王綰等倣唐六典修改官制然唐六典以中

書道命行無法式事門下密覆行有法式事尚書省奉行而政柄盡歸
於中書又分班奏事各行其職蔡確言於神宗不置三省長官以左僕
射兼門下侍郎右僕射中書侍郎各主兩省事時王珪為左確為右獨
專政柄而珪不預聞除吏之事後呂正獻乃請三省同班奏事分班治
事而元祐行之其後不能易也

流品有別則人安其分無幸進之心爵秩有章則名器加重而天下
知所趨向也

然元豐官制以唐六典為宗名實正矣

臺省寺監職掌之官

而寄祿之制混為一流無復差別當時群臣不能推原祖宗制官之意
者蓋祖宗官制所以甄別流品者至為嚴密一官凡數等曰宰執侍從
之選卿監館職之選出身人之選瘞補人之選雜流之選各為一等有
條不紊可謂盛矣不獨此也

張演論官制

宋朝之待武臣也厚其祿而薄其禮凡貴於正任重於管軍要在橫行
近在承旨御帶寵在閣職設造郡以賞勞績設使臣以別祿秩此武臣
之名分也以節度使留後觀察防禦團練使刺史為正任以殿前馬步
軍副都指揮使三衛都虞候天武捧日龍武神衛四廂都指揮使為管
軍以內客省使客省引進四方館東西上閣門使副為橫行以通事舍
人閤門祇候為閣職以橫行使及諸州帶防禦團練使刺史為造郡以
諸司使副內殿承制崇班為大使臣供奉官侍禁殿直供奉職為小使
臣自造郡而上本俸皆厚其使臣本祿雖稍薄而添支給券皆優若朝
謁御燕惟正任預焉蓋正任方號武臣得與文臣分班也管軍臣僚號
侍衛橫行大使臣皆為祇應官爾此所謂薄其禮也三司使之職又有
制之善者宋以五代後唐之制置三司使以總國計五代專以鹽鐵為
首應四方貢賦之入朝廷未嘗預焉一歸三司總鹽鐵之金簿度支用
度戶部圖號計省使位亞執事目為計相稱省主其恩數廩祿與參
樞均若除翰林承旨及資政端明殿學士或官至尚書或久任權三司

使者方正除之若符登柄用多先預焉鹽鐵度支戶部在唐五代皆等
使額皇朝方各設副使以三司使總之故號三司鹽鐵副使其參支戶
部亦如之位亞待制乃稱省副恩數視大卿監逐司各置判官二員
三司鹽鐵判官三司度支戶部判官以佐副使其資序視轉運使又有
三司判官六員謂之子司子司各主一司開承司兼覆審司磨勘司兼
顯由冑案兼刑察修造案河隄案各號二司
刑管開承司或衙司公事之類以專職也內二員兼刑案推治隱盜斷
刑事通稱省事其資序視提刑乃通稱省別凡初除必任子司自子司
遷鹽鐵等判官判官而後副使蓋祖宗不容資淺新進人廁列於其間
也祖宗舊制遷除執政侍從必先歷錢穀有自三司度支副使擢起居
舍人知制誥有先除權三司使而乃拜樞密可見祖宗之意也其所使
掌之財驅磨財計檢察憑由悉歸磨勘司此今之造作軍器則冑案主
行之庫部土木之工則隸修造案今之河防之役則河渠案行之水
且國家工役之費無出於三事且所用為蠹耗之大者必命三司使總
之乃可節以制度也至王安石為相以周禮行新法故持家宰邦計之

說謂宰相當主財計遂與三司分權凡賦稅常貢在權之利方歸三司
摘山煮海坑冶權貨戶絕沒納之財悉歸朝廷其立法與常平免役坊
場河渡禁軍綱之地利之資皆號朝廷封椿又有歲科上供之數盡運
入京師別創軍以貯之三司不與焉於是祖宗處國計之良法盡壞矣
自元豐改官制戶部尚書全無計相之權職在行朝廷之文移僅能經
畫在京官吏諸軍俸祿而已以此論之三司使之職不待改官制而失
其權自熙寧變更法度之時已壞矣

蔡允道官制論

三司使之名起於後唐明宗時宋朝因之既專掌利柄而天下之事應
用財者亦多兼總之以故事權最重幾與二府相抗嘉祐中京師大水
始取三司之河渠按置都水監元豐官制復以三司曹按歸之軍器監
修造案之事歸之將作監三監皆隸工部如此之類不一於是戶部掌
版籍財用二事而已權任非復三司之比元祐中蘇子由為戶部侍郎
大以為不便建言祖宗參酌古今之宜建立三司所領天下事幾半非

以私三司也事權不一則財利散雖欲求富其道無由因請都水監將
作軍器監悉隸戶部凡三監有所為戶部定其事之可否裁其費之多
少其工部任其工之良苦程其作之遲速朝廷以為然從之按唐正元
初度支使杜佑辭錢穀之任引李巽自代是度支以制置措費漸權
百司之職廣設負吏繁而難理佑始奏營繕歸之將作木炭歸之司農
築練歸之少府綱條頗整公議多之由是而言計司兼領他職自唐計
然不待出於祖宗之意子由所懇懇而言之者皆佑之所重正也豈特
移事異利病固不同邪佑之所請見於蘇冕會要新史載之不知是之
詳也

後三十一

東洋圖書印

